

FAMILIA ROMANA

1 Iūlius vir Rōmānus est. Aemilia fēmina Rōmāna est. Mārcus est puer Rōmānus. Quīntus quoque puer Rōmānus est. Iūlia est puella Rōmāna.

Mārcus et Quīntus nōn virī, sed puerī sunt. Virī sunt

5 Iūlius et Mēdus et Dāvus. Aemilia et Dēlia et Syra sunt fēminae. Estne fēmina Iūlia? Nōn fēmina, sed parva puella est Iūlia.

Iūlius, Aemilia, Mārcus, Quīntus, Iūlia, Syra, Dāvus, Dēlia Mēdusque sunt familia Rōmāna. Iūlius pater
10 est. Aemilia est mātēr. Iūlius pater Mārcī et Quīntī est. Iūlius pater Iūliae quoque est. Aemilia est mātēr Mārcī et Quīntī et Iūliae. Mārcus filius Iūliī est. Mārcus filius Aemiliae est. Quīntus quoque filius Iūliī et Aemiliae est. Iūlia est filia Iūliī et Aemiliae.

15 Quis est Mārcus? Mārcus puer Rōmānus est. Quis pater Mārcī est? Iūlius pater Mārcī est. Quae est mātēr



ūnus (I) vir
duo (II) virī

ūnus puer
duo puerī

-que = et —: Mēdus-que
= et Mēdus

| | | |
|--------|---|---------|
| Iūlius | ∞ | Aemilia |
| pater | | mātēr |

| | | |
|--------|---------|-------|
| Mārcus | Quīntus | Iūlia |
| filius | filius | filia |

quis? quae?
quis est Mārcus?
quae est Iūlia?
quis est pater Mārcī?
quae est mātēr Mārcī?

| | |
|---|--|
| <p>quī? quī sunt filiī?</p> <p>Iūlia-que filiae-que</p> <p>duo = II (2)</p> | <p>Mārcī? Māter Mārcī est Aemilia. Quae est Iūlia? Iūlia est puella Rōmāna. Quae māter Iūliae est? Aemilia māter Iūliae est. Pater Iūliae est Iūlius. Iūlia filia Iūlii est. Quī sunt filiī Iūlii? Filiī Iūlii sunt Mārcus et Quīntus. 20 Mārcus, Quīntus Iūliaque sunt trēs liberī. Liberī sunt filiī filiaeque. Mārcus et Quīntus et Iūlia sunt liberī Iūlii et Aemiliae. In familiā Iūlii sunt trēs liberī: duo filiī et ūna filia.</p> |
| | <p>Estne Mēdus filius Iūlii? Mēdus filius Iūlii nōn est, // Mēdus est servus Iūlii. Iūlius dominus Mēdi est. Iūlius dominus servi est. Dāvus quoque servus est. Mēdus et Dāvus duo servi sunt. Iūlius est dominus Mēdi et Dāvī. Iūlius dominus servōrum est et pater liberōrum.</p> |
| <p>duo duae duo: duo servi duae ancillae duo oppida</p> | <p>Estne Dēlia filia Aemiliae? Dēlia nōn est filia Aemi- 30 liae, Dēlia ancilla Aemiliae est. Aemilia domina Dēliae est. Aemilia domina ancillae est. Syra quoque ancilla est. Dēlia et Syra duae ancillae sunt. Aemilia domina ancillarum est.</p> |
| <p>cuius? Iūlii, Aemiliae</p> | <p>Cuius servus est Dāvus? Dāvus servus Iūlii est. Cuius 35 ancilla est Syra? Syra est ancilla Aemiliae.</p> |
| <p>quot? I, II, III... quot filiī? quot filiae? quot oppida? centum = C (100)</p> | <p>Quot liberī sunt in familiā? In familiā Iūlii sunt trēs liberī. Quot filiī et quot filiae? Duo filiī et ūna filia. Quot servi sunt in familiā? In familiā sunt centum servi. In familiā Iūlii sunt multī servi, paucī liberī. Iūlius est 40 dominus multōrum servōrum.</p> <p>‘Duo’ et ‘trēs’ numerī sunt. ‘Centum’ quoque numerus est. Numerus servōrum est centum. Numerus libe-</p> |

rōrum est trēs. Centum est magnus numerus. Trēs par-
 45 vus numerus est. Numerus servōrum est magnus. Nu-
 merus liberōrum parvus est. In familiā Iūlii magnus
 numerus servōrum, parvus numerus liberōrum est.

Mēdus servus Graecus est. Dēlia est ancilla Graeca.
 In familiā Iūlii sunt multī servī Graeci multaeque ancil-
 50 lae Graecae. Estne Aemilia fēmina Graeca? Aemilia nōn
 est fēmina Graeca, sed Rōmāna. Iūlius nōn vir Graecus,
 sed Rōmānus est.

Sparta oppidum Graecum est. Sparta, Delphī Tūscu-
 lumque tria oppida sunt: duo oppida Graeca et ūnum
 55 oppidum Rōmānum. In Graeciā et in Italiā magnus nu-
 merus oppidōrum est. In Galliā est magnus numerus
 fluviorum. Fluvii Galliae magni sunt. Māgnine sunt flu-
 vii Āfricae? In Āfricā ūnus fluvius magnus est: Nilus;
 ceteri fluvii Āfricae parvi sunt. Suntne magnae insulae
 60 Graecae? Crēta et Euboea duae insulae magnae sunt;
 ceterae insulae Graecae sunt parvae. —

III Quis est Cornēlius? Cornēlius dominus Rōmānus est.
 Iūlius et Cornēlius duo dominī Rōmāni sunt. Mēdus
 nōn est servus Cornēlii. Mēdus servus Iūlii est.

65 Cornēlius: “Cuius servus est Mēdus?”

Iūlius: “Mēdus servus meus est.”

Cornēlius: “Estne Dāvus servus tuus?”

Iūlius: “Dāvus quoque servus meus est. Servī mei
 sunt Mēdus et Dāvus et ceteri multī...”

70 Cornēlius: “Estne Dēlia ancilla tua?”

magnus numerus servō-
 rum = multī servī
 parvus numerus liberō-
 rum = pauci liberī

multae-que

trēs tria:
 trēs liberī
 trēs litterae
 tria oppida

magnus numerus oppi-
 dōrum = multa oppida
 magnus numerus fluvi-
 ōrum = multī fluvii
 magni-ne


ceteri -ae -a

Cornēlius



meus -a -um

tuus -a -um



ecce duo librī →

ūnus liber
duo librī

novus -a -um ↔
antīquus -a -um



pāgina

Iūlius: “Dēlia est ancilla mea, et Syra quoque ancilla mea est. Ancillae meae sunt Dēlia et Syra et cēterae multae. Familia mea magna est.”

Cornēlius: “Quot servī sunt in familiā tuā?”

Iūlius: “In familiā meā sunt centum servī.”

75

Cornēlius: “Quid?”


Iūlius: “Numerus servōrum meōrum est centum.”

Cornēlius: “Centum servī! Magnus est numerus servōrum tuōrum!”

liber
antīquus



liber
novus



LIBER TVVS LATINVS

80

Ecce duo librī Latīnī: liber antīquus et liber novus. LINGVA LATINA est prīmus liber tuus Latīnus. Titulus librī tuī est ‘LINGVA LATINA’. Liber tuus nōn antīquus, sed novus est.

In LINGVA LATINA sunt multae pāginae et multa capi- 85
tula: capitulum prīmum, secundum, tertium, cētera. ‘IMPERIVM ROMANVM’ est titulus capitulī prīmī. Titulus capitulī secundī est ‘FAMILIA ROMANA’. In capitulō secundō sunt sex pāginae. In pāginā primā capitulī secundī multa vocābula nova sunt: *vir, fēmina, puer, pu- 90*
ella, familia, cētera. Numerus vocābulōrum Latīnōrum magnus est!

GRAMMATICA LATINA

Masculinum, femininum, neutrum

- 95 [A] 'Servus' est vocabulum masculinum.
 [B] 'Ancilla' est vocabulum femininum.
 [C] 'Oppidum' est vocabulum neutrum.
 Exempla:
 [A] Vocabula masculina: filius, dominus, puer, vir; fluvius,
 100 oceanus, numerus, liber, titulus. Masculinum: *-us (-r)*.
 [B] Vocabula feminina: femina, puella, filia, domina; insula,
 provincia, littera, familia, pagina. Femininum: *-a*.
 [C] Vocabula neutra: oppidum, imperium, vocabulum, capi-
 tulum, exemplum, pensum. Neutrum: *-um*.
- 105 *Genetivus*
 [A] Masculinum:
 Iulius dominus *servi* (Davi) est.
 Iulius dominus *servorum* (Davi et Medii) est.
 'Servi' genetivus est. 'Servorum' quoque genetivus est.
 110 'Servi' genetivus singularis est. 'Servorum' est genetivus plu-
 ralis. Genetivus: singularis *-i*, pluralis *-orum*.
 [B] Femininum:
 Aemilia domina *ancillae* (Syllae) est.
 Aemilia domina *ancillarum* (Syllae et Deliae) est.
 115 'Ancillae' genetivus singularis est. 'Ancillarum' est geneti-
 vus pluralis. Genetivus: singularis *-ae*, pluralis *-arum*.
 [C] Neutrum:
 D est prima littera vocabuli 'dominus'.
 Numerus *vocabulorum* magnus est.
 120 'Vocabuli' genetivus singularis est. 'Vocabulorum' est ge-
 netivus pluralis. Genetivus: singularis *-i*, pluralis *-orum*.

masculinum (*m*) < *mas-*
culus = vir
 femininum (*f*) < *femina*
 neutrum (*n*) = non *m*,
 non *f*

*-us**-a**-um*genetivus (*gen*)

servi
servorum

-i -orum

ancillae
ancillarum

-ae -arum

vocabuli
vocabulorum

-i -orum

PENSVM A

Marcus fili- Iulii est. Iulia fili- Iulii est. Iulius est vir Ro-
 man-. Aemilia femin- Roman- est. Iulius domin-, Aemilia
 domin- est. Medus serv- Graec- est, Delia est ancill-

Vocābula nova:

vir
fēmina
puer
puella
famīlia
pater
māter
filius
fīlia
liberī
servus
dominus
ancilla
domina
liber
titulus
pāgina
antīquus
novus
cēteri
meus
tuus
centum
duae
tria
-que
quis?
quae?
quī?
cuius?
quot?
masculinum
fēmininum
neutrum
genetivus

Graec-. Sparta oppid- Graec- est.

Iūlius pater Mārc- est. Mārcus est filius Iūli- et Aemili-.
Mēdus servus Iūli- est: Iūlius est dominus serv-. Iūlius domi-
nus Mēd- et Dāv- est: Iūlius dominus serv- est. Numerus
serv- magnus est. Dēlia est ancilla Aemili-: Aemilia do-
mina ancill- est. Aemilia domina Dēli- et Syr- est: Aemilia
domina ancill- est. In familiā Iūli- est magnus numerus
serv- et ancill-. Aemilia māter Mārc- et Quīnt- et Iūli- est.
Mārcus, Quīntus Iūliaque sunt liberī Iūli- et Aemili-. Nu-
merus liber- est trēs. Numerus serv- est centum.

In pāginā primā capitul- secund- multa vocābula nova
sunt. Numerus capitul- nōn parvus est.

PENSVM B

Mārcus — Rōmānus est. Iūlius — Rōmānus est. Aemilia est
— Rōmāna. Iūlius est — Mārci et Quīnti et Iūliae. In — Iūlii
sunt trēs —: duo — et ūna —. — liberōrum est Aemilia.

— est Dāvus? Dāvus est — Iūlii. Iūlius — Dāvī est. — est
Syrā? Syrā — Aemiliae est. Aemilia est — Syrae.

Cornēlius: “— servī sunt in familiā tuā?” Iūlius: “In familiā
— sunt — (c) servī.” Cornēlius: “Famīlia — magna est!”

‘LINGVA LATINA’ est titulus — tuī Latīni.

PENSVM C

Quis est Quīntus?

Quī sunt Mēdus et Dāvus?

Mārcusne quoque servus Iūlii est?

Cuius filia est Iūlia?

Quot liberī sunt in familiā Iūlii?


Quot servī in familiā sunt?

Num Syrā domina est?

Quae est domina ancillārum?

Estne Cornēlius vir Graecus?

Num ‘puella’ vocābulum masculinum est?



PVER IMPROBVS

1 SCAENA PRIMA

Persōnae: Iūlia, Mārcus, Quīntus.

Iūlia cantat: "Lalla." Iūlia laeta est.

Mārcus: "St!" Mārcus laetus nōn est.

5 Iūlia cantat: "Lalla, lalla."


Mārcus: "Ssst!" Mārcus irātus est.

Iūlia cantat: "Lalla, lalla, lalla."

Mārcus Iūliam pulsat.

Iam Iūlia nōn cantat, sed plōrat: "Uhuhū!"

10 Mārcus rīdet: "Hahahae!"



Quīntus Mārcum videt. Mārcus nōn videt Quīntum.

Quīntus: "Quid? Mārcus puellam pulsat — et rīdet!"

scaena

persōna




Mārcus Iūliam pulsat

Iūlia plōrat

Mārcus rīdet

Quīntus Mārcum videt

Mārcus Quīntum nōn videt



Quintus Mārcum pulsat
mamma = māter

Mārcus Quīntum pulsat
Iūlia Aemiliam vocat
Aemilia venit

Quīntus irātus est et Mārcum pulsat! Iam nōn rīdet
Mārcus. Mārcus irātus pulsat Quīntum.

Iūlia: "Ubi est māter?" Iūlia Aemiliam nōn videt. 15


Iūlia Aemiliam vocat: "Māter! Mārcus Quīntum
pulsat!"

Mārcus (irātus): "St!" Mārcus Iūliam pulsat.

Iūlia plōrat et Aemiliam vocat: "Mamma! Mam-ma!

Mārcus mē pulsat!" 20

Aemilia venit.



SCAENA SECVNDA

II

Persōnae: Aemilia, Iūlia, Mārcus, Quīntus.

Aemilia interrogat: "Quis mē vocat?"

Quīntus respondet: "Iūlia tē vocat." 25

Aemilia Quīntum interrogat: "Cūr Iūlia plōrat?"

Quīntus respondet: "Iūlia plōrat, quia Mārcus eam
pulsat."

Aemilia: "Quid? Puer parvam puellam pulsat? Fū!
Cūr Mārcus Iūliam pulsat?" 30

Quīntus: "Quia Iūlia cantat."

Aemilia: "Ō Iūlia, mea parva filia! Mārcus puer pro-
bus nōn est; Mārcus est puer improbus!"

im-probus -a -um
↔ probus -a -um

Quīntus: "Iūlia puella proba est."

35 Aemilia Quīntum interrogat: "Ubi est Iūlius? Cūr nōn venit?" Aemilia Iūlium nōn videt.


Respondet Mārcus: "Pater dormit."

Quīntus: "Māter nōn tē, sed mē interrogat!"

Aemilia: "St, puerī! Ubi est pater?"

40 Quīntus: "Pater nōn hīc est, sed Mārcus hīc est."

Quīntus Iūlium vocat: "Pater! Pa-ter!"




Iūlius Quīntum nōn audit neque venit. Cūr Iūlius Quīntum nōn audit? Iūlius eum nōn audit, quia dormit.

Mārcus: "Hahae! Pater dormit neque tē audit."

45 Aemilia: "Fū, puer!" Aemilia irāta est. Māter filium verberat: tuxtax, tuxtax...

Mārcus plōrat: "Uhuhū!"

Iūlius eum audit. Iam nōn dormit pater.



cūr Iūlius nōn venit?



Quīntus Iūlium vocat

ne-que = et nōn
(ne- = nōn)
eum : Quīntum
Iūlius dormit

verberat = pulsat et
pulsat ('tux-tax')

eum : Mārcum

| | | |
|---|--|------------|
| | <i>SCAENA TERTIA</i> | <i>III</i> |
| | <i>Persōnae: Iūlius, Aemilia, Iūlia, Mārcus, Quīntus.</i> | 50 |
| | Quīntus: "Pater venit." | |
| | Aemilia Quīntum nōn audit, quia Mārcus plōrat. | |
| eum-que = et eum (: Quīntum) | Iūlius Quīntum videt eumque interrogat: "Cūr Mārcus plōrat?" | |
| eum : Mārcum | Quīntus respondet: "Mārcus plōrat, quia māter eum verberat." | 55 |
| | Iūlius: "Sed cūr māter Mārcum verberat?" | |
| māter Mārcum verberat, quia Mārcus puer improbus est | Quīntus: "Mārcum verberat, quia puer improbus est. Mārcus parvam puellam pulsat!" | |
| | Iūlia: "Mamma! Pater hīc est." Aemilia Iūlium videt. | 60 |
| | Aemilia: "Tuus Mārcus filius improbus est!" | |
| | Iūlius: "Fū, puer! Puer probus nōn pulsat puellam. Puer quī parvam puellam pulsat improbus est!" | |
| | Iūlius irātus puerum improbum verberat: tuxtax, tuxtax, tuxtax... | 65 |
| Iūlia nōn laeta est | Mārcus plōrat. Quīntus laetus est et rīdet. Iūlia laeta nōn est neque rīdet. Cūr nōn laeta est Iūlia? Nōn laeta est, quia Mārcus plōrat. Iūlia est puella proba! | |



Puer rīdet. Puella plōrat. Quis est puer quī rīdet?
 70 Puer quī rīdet est Mārcus. Quae est puella quae plōrat?
 Puella quae plōrat est Iūlia.

quī
 quae
 puer quī rīdet
 puella quae plōrat

Mārcus, quī puellam pulsat, puer improbus est. Pu-
 ella quam Mārcus pulsat est Iūlia. Iūlia Aemiliam vocat.
 Aemilia, quam Iūlia vocat, māter liberōrum est. Aemi-
 75 lia puerum verberat. Puer quem Aemilia verberat est
 Mārcus.

quem
 quam
 puer quem Aemilia
 verberat
 puella quam Mārcus
 pulsat

Quem vocat Quīntus? Quīntus Iūlium vocat. Iūlius,
 quem Quīntus vocat, pater liberōrum est. Iūlius Quīn-
 tum nōn audit. Quem audit Iūlius? Iūlius Mārcum
 80 audit. Puer quem Iūlius audit est Mārcus.

quem? Iūlium
 Quīntum

Puella quae cantat laeta est. Puella quae plōrat nōn
 est laeta. Puer quī puellam pulsat improbus est!

GRAMMATICA LATINA

Nōminātīvus et accūsātīvus

85 [A] Masculīnum.

Mārcus rīdet. Quīntus Mārcum pulsat.

Mārcus Quīntum pulsat. Quīntus plōrat.

‘Mārcus’ nōminātīvus est. ‘Mārcum’ accūsātīvus est.
 ‘Quīntum’ est accūsātīvus, ‘Quīntus’ nōminātīvus. Nōminātī-
 90 vus: *-us (-r)*. Accūsātīvus: *-um*.

Exempla: Iūlius, Iūlium; filius, filium; puer, puerum; eum.

[B] Fēminīnum.

Iūlia cantat. Mārcus Iūliam pulsat.

Iūlia Aemiliam vocat. Aemilia venit.

95 ‘Iūlia, Aemilia’ nōminātīvus est. ‘Iūliam, Aemiliam’ accū-
 sātīvus est. Nōminātīvus: *-a*. Accūsātīvus: *-am*.

Exempla: puella, puellam; parva, parvam; eam.

nōminātīvus (*nōm*)
 accūsātīvus (*acc*)

Mārcus Quintus
 Mārcum Quīntum

-us
-um

Iūlia Aemilia
 Iūliam Aemiliam

-a
-am

| | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
|--|-----------------|--------------|-----|----|-----|-----|--|-----|-----|--|-----|--|--|----|--|--|----|--|--|--------|--------|---------|-----|---------|--------|--------|--|-------|----------|--------|--|---------|---------|-------------|--|-------|----|---------|--|---------|--|------------|-----|--------|----|--------|--|--------|-----|----------|--|---------|--------|-----------|--|--------|--|---------|--|--------|-----|--------|-----|--------|--|--------|--|--------------|----------------|--------------|--|---------------|-----------------|-----------|--|
| <p>cantat rīdet dormit</p> <p>-at -et -it</p> <table border="1" style="margin-left: auto; margin-right: auto;"> <tr> <td style="padding: 2px;">-us</td> <td style="padding: 2px;">-um</td> <td style="padding: 2px;">-at</td> </tr> <tr> <td style="padding: 2px;">-a</td> <td style="padding: 2px;">-am</td> <td style="padding: 2px;">-et</td> </tr> <tr> <td></td> <td style="padding: 2px;">eum</td> <td style="padding: 2px;">-it</td> </tr> <tr> <td></td> <td style="padding: 2px;">eam</td> <td></td> </tr> <tr> <td></td> <td style="padding: 2px;">mē</td> <td></td> </tr> <tr> <td></td> <td style="padding: 2px;">tē</td> <td></td> </tr> </table> | -us | -um | -at | -a | -am | -et | | eum | -it | | eam | | | mē | | | tē | | <p><i>Verbum</i></p> <p>Iūlia <i>cantat</i>. Mārcus <i>rīdet</i>. Iūlius <i>dormit</i>.</p> <p>'Cantat' verbum est. 'Cantat', 'rīdet', 'dormit' tria verba 100 sunt.</p> <p>Exempla: <i>cantat</i>, <i>pulsat</i>, <i>plōrat</i>, <i>vocat</i>, <i>interrogat</i>, <i>verberat</i> (-at); <i>rīdet</i>, <i>videt</i>, <i>respondet</i> (-et); <i>dormit</i>, <i>venit</i>, <i>audit</i> (-it).</p> <p><i>Nōminātīvus:</i> <i>Accūsātīvus:</i> <i>Verbum:</i></p> <table style="width: 100%; border-collapse: collapse;"> <tr> <td style="width: 33%;">Mārcus</td> <td style="width: 33%;">Iūliam</td> <td style="width: 33%;">pulsat.</td> <td style="width: 10%; text-align: right;">105</td> </tr> <tr> <td>Quīntus</td> <td>Mārcum</td> <td>videt.</td> <td></td> </tr> <tr> <td>Iūlia</td> <td>Aemiliam</td> <td>vocat.</td> <td></td> </tr> <tr> <td>Aemilia</td> <td>Quīntum</td> <td>interrogat:</td> <td></td> </tr> <tr> <td>"Quis</td> <td>mē</td> <td>vocat?"</td> <td></td> </tr> <tr> <td>Quīntus</td> <td></td> <td>respondet:</td> <td style="text-align: right;">110</td> </tr> <tr> <td>"Iūlia</td> <td>tē</td> <td>vocat.</td> <td></td> </tr> <tr> <td>Mārcus</td> <td>eam</td> <td>pulsat."</td> <td></td> </tr> <tr> <td>Aemilia</td> <td>puerum</td> <td>verberat.</td> <td></td> </tr> <tr> <td>Mārcus</td> <td></td> <td>plōrat.</td> <td></td> </tr> <tr> <td>Iūlius</td> <td>eum</td> <td>audit.</td> <td style="text-align: right;">115</td> </tr> <tr> <td>Iūlius</td> <td></td> <td>venit.</td> <td></td> </tr> <tr> <td>"Puer probus</td> <td>parvam puellam</td> <td>nōn pulsat!"</td> <td></td> </tr> <tr> <td>Iūlius irātus</td> <td>puerum improbum</td> <td>verberat.</td> <td></td> </tr> </table> <p>PENSVM A</p> <p>Cūr Mārc- Iūliam pulsat? Mārcus Iūli- pulsat, quia Iūli- cantat. Iūlia plōr-, quia Mārcus e- pulsat. Iūlia: "Mamma! Mārcus — pulsat." Aemilia puell- aud- et ven-. Māter Quīnt- videt et e- interrog-: "Quis mē voc-?" Quīnt- re- spond-: "Iūlia — vocat."</p> <p>Iūlius dorm-. Quīntus Iūli- voc-: "Pater!" Mārcus rīd-, quia Iūli- nōn venit. Aemilia Mārc- verber-. Iūlius ven-, quia Mārc- plōrat. Iūlius Aemili- et Mārc- et Quīnt- et Iūli- videt. Iūlius: "Puer quī parv- puell- pulsat improbus est." Iūlius puer- improb- verberat. Quem Iūli- verberat? Puer qu- Iūlius verberat est Mārcus. Mārcus plōr-. Puer qu- plō- rat laet- nōn est. Puella qu- cantat laet- est.</p> | Mārcus | Iūliam | pulsat. | 105 | Quīntus | Mārcum | videt. | | Iūlia | Aemiliam | vocat. | | Aemilia | Quīntum | interrogat: | | "Quis | mē | vocat?" | | Quīntus | | respondet: | 110 | "Iūlia | tē | vocat. | | Mārcus | eam | pulsat." | | Aemilia | puerum | verberat. | | Mārcus | | plōrat. | | Iūlius | eum | audit. | 115 | Iūlius | | venit. | | "Puer probus | parvam puellam | nōn pulsat!" | | Iūlius irātus | puerum improbum | verberat. | |
| -us | -um | -at | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| -a | -am | -et | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| | eum | -it | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| | eam | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| | mē | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| | tē | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Mārcus | Iūliam | pulsat. | 105 | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Quīntus | Mārcum | videt. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Iūlia | Aemiliam | vocat. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Aemilia | Quīntum | interrogat: | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| "Quis | mē | vocat?" | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Quīntus | | respondet: | 110 | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| "Iūlia | tē | vocat. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Mārcus | eam | pulsat." | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Aemilia | puerum | verberat. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Mārcus | | plōrat. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Iūlius | eum | audit. | 115 | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Iūlius | | venit. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| "Puer probus | parvam puellam | nōn pulsat!" | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
| Iūlius irātus | puerum improbum | verberat. | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |

PENSVM B

Puella —: “Lalla.” Puella — cantat est Iūlia. Iūlia — est.
 Puer improbus puellam —. Puella —: “Uhuhū!” Puer —:
 “Hahahae!” Puer — rīdet est Mārcus. Iūlia Aemiliam —:
 “Mamma!” Aemilia —, et Quīntum —: “Cūr Iūlia plōrat?”
 Quīntus —: “Iūlia plōrat, — Mārcus eam pulsat.” Aemilia:
 “Mārcus puer — nōn est, puer — est! Ubi est pater?” Aemilia
 Iūlium nōn —. Quīntus: “Pater nōn — est.” Quīntus Iūlium
 —: “Pater!” Iūlius Quīntum nōn —. — Iūlius Quīntum nōn
 audit? Iūlius eum nōn audit, quia —. Mārcus plōrat, — Ae-
 milia eum verberat. Iūlius Mārcum audit; — Iūlius nōn dor-
 mit. — Aemilia verberat? Aemilia Mārcum —. Puer — Ae-
 milia verberat improbus est. Iūlia laeta nōn est — rīdet.

PENSVM C

Quis Iūliam pulsat?
 Cūr Iūlia plōrat?
 Quīntusne quoque Iūliam pulsat?
 Quem Quīntus pulsat?
 Cūr Aemilia venit?
 Quis Iūlium vocat?
 Cūr Iūlius Quīntum nōn audit?
 Quem audit Iūlius?
 Cūr Mārcus plōrat?
 Rīdetne Iūlia?
 Num ‘Mārcus’ accūsātīvus est?
 Num ‘Iūliam’ nōminātīvus est?
 Quid est ‘dormit’?

Vocābula nova:

scaena
 persōna
 mamma
 laetus
 irātus
 probus
 improbus
 cantat
 pulsat
 plōrat
 rīdet
 videt
 vocat
 venit
 interrogat
 respondet
 dormit
 audit
 verberat
 mē
 tē
 eum
 eam
 neque
 iam
 cūr?
 quia
 ō!
 hīc
 quī
 quae
 quem
 quam
 nōminātīvus
 accūsātīvus
 verbum